

林修竹治河叢書之一

歷代治黃考

山東河務總局印行

歷代治黃史序

治河之書權輿禹貢厥後龍門則書河渠蘭臺則志溝洫道元則注水經迄乎近代著述尤繁記策畫者如行水金鑑治河方略之類是也誌水道者如禹貢雖指今水經水道提綱之類是也談攷據者如河源攷歷代黃河變遷圖攷之類是也而薈萃古今大事以歷史體裁輯成專書者則不多概見乙丑之春恭承

簡命忝長河務維時值軍興甫定河防經費積欠半載捷竹儲茭一無籌備臨渴掘井無米爲炊顧犬補牢千端萬緒戴星待漏輟寢忘餐更往復河干周行相度如是者數閱月略有端倪始稍得暇晷披典冊治文墨焉迺命徐秘書振聲彙輯古今治河事蹟概要仿編年史鑑之例上自夏禹下逮今茲年經月緯

綱舉目張務期開卷瞭然有條不紊每一屬稿輒令呈送覆核或體例未安或記載有缺必再四斟酌隨時修改誠以刊行一書匪但信今抑期傳後操觚率爾貽誚方來其難其慎願共勗之而已稿甫及半適下游分局長王君露洪以所藏明豫撫吳山治河通攷十卷見示又濮縣埝長吳君茂榮處有歷代河防要覽一書由其弟茂枏攜來備參攷之用迺知數百年前之先哲鄙見不期而與之闇合曷勝欣幸二書所載皆由上古訖有明體例俱同惟吳攷較略而遺文軼事爲各書所未見者亦復不少因悉採入俾成完璧又攷黃河六大變遷無一次不經魯境而吾魯治黃自銅瓦廂決口奪濟穿運入海以來閱七十載河防多事則爲自古所未有此中經過事實之瑩瑩大者則取材山東通志爲多民國以來多稽諸檔冊而最近二年則修竹躬親經驗甘苦自得之言也時

閱帀歲而稿始成更仿通鑑目錄之例編爲大事表六大變遷與黃河現勢則精測實圖以明之並以冠於卷首非敢云著述也記前人之成功供後人之考鏡抑亦膺河職者之責也大雅宏達有以教之

中華民國十五年歲次丙寅六月山東治河使者林修竹序

凡例

一治河之書汗牛充棟豫河南河皆有專書行世魯省自改道以來閱七十載
尙無記載成編未免缺憾振聲河防供職以撰述爲專司珥筆從公十有三
載乙丑春 局長林公履任因命振聲搜尋文檔綆汲簡編上自禹貢下逮
今茲倣綱鑑編年式舉治河事蹟之犖犖大者年經月緯挈領提綱輯爲茲
編名曰歷代治黃史俾後來者考鏡焉

一編輯初稿甫竣得閱明吳山治河通攷

吳係豫撫萬曆年刻傳本極稀暨歷代河防要覽

此書

係家藏鈔本清光緒十四年經上海鴻文書局石印始知前人已開先例惟二書皆自夏訖明爲止凡

可採者悉爲採入至清以後則採自山東通志爲多凡採用之書俱爲標明

出處

其未標明者乃各書相同咸豐改道以至今日則通志及文檔中所採取也其在二者以外則仍標所出語之務詳而擇之

必精雖不敢謂集治黃史之大成然亦應有儘有矣

一作史之體遠略近詳而編年記事則綜括往古來今與專載一時一地之事

者不同故近年歷屆大工如濮陽

有濮陽河上
記已刊行

宮家壩

本局總稽查談禮成
編成稿未刊刊行者

有宮壩駐工委員
王君露洪所編

均有單行本刊行茲編僅記始末梗概而已惟十四年十

五年關於工防諸務之較爲重要者及李升屯黃花寺杜口始末皆林局長
頻駐河干相度情形策厲工作炎暑沍寒未遑寧處所謂實錄所謂信史但
恐不盡豈厭求詳故所紀較他卷獨豐然論其實際則已約之又約矣

一茲編略做了凡綱鑑及易知錄例先綱後目務期一覽卽得其大事蹟並標
識眉端俾閱者展卷瞭然又於文義字義奧衍處則略加注釋明之

一史之作用莫重於表茲編倣司馬光通鑑目錄及齊召南帝王年表例編爲

大事表列之卷首藉供檢閱之便

一黃河流勢變遷非有精測詳圖不能一目瞭然古書所載河圖皆非精勘實測故皆不堪依據本編特別以圖爲重將六大變遷圖彙爲一幅俾有所稽攷豫河圖卽根據於豫河志直隸河圖卽根據於直河局山東黃河因河身太長由本局派技術員精密測勘費數年之久始告成功入海尾閘自銅瓦廂改道後已經轉移六次自十四十五兩年又有變遷當經委員前往重勘卽以重勘所得之圖實諸本編此外又覓得運河工程總局費款數十百萬派洋工程師精密實勘之黃河堤岸實測圖附後該圖起自河南鐵橋終於山東十里堡實爲祕不多見之精圖均載於本書之內欲考查黃河者實以本書所載之圖爲最新最精從來所未有者也

一古今治河奏疏論說尤難枚舉茲編以記事爲主此類惟有隨事附出如賈讓賈魯潘季馴朱之錫靳輔諸名人及近代李鴻章張曜李秉衡諸公治河著成績者或記其生平概略或選其奏疏公牘次第附載俾免絳漏之譏

一河流六大變遷合濟者三且始終未越魯境

指今山東全省境域

古人封爵之誓曰黃

河如帶泰山如礪黃河泰山並舉可知河之係於魯者重也故茲編名曰歷代實則包括魯河志之全部矣

山東河務局祕書徐振聲識

歷代治黃史總目

山東河務局局長兼運河工程局總辦林修竹總纂

山東河務局祕書徐振聲編輯

山東河務局工程科科长潘鎰芬繪圖

卷首

敘例

歷代河流變遷圖

豫河圖

直隸河圖

最近測勘魯省三游現勢圖

最近測勘黃河入海尾閘圖

最近黃河堤岸實測圖

歷代治黃大事年表

卷一

唐虞至五代

卷二

宋

卷三

金元

卷四

明

卷五

清

卷六

中華民國

黃河六大變遷記略

禹河 禹貢導河自積石至龍門東過洛汭至大伾北過降水至於大陸又北播爲九河同爲逆河入於海帝堯八十載癸亥卽西曆紀元前二千二百七十八年告厥成功凡歷一千六百七十七年

始徙 周定王五年己未卽西曆紀元前六百零二年河徙宿胥口東行漯川至長壽津與漯別行東北至成平復合禹故河至章武入海凡歷六百十二年再徙 王莽始建國三年辛未卽西曆紀元十一年河決魏郡泛清河平原濟南至千乘入海後漢永平中修之遂爲經流凡歷一千零三十七年

三徙 宋仁宗慶歷八年戊子卽西曆一千零四十八年河決商胡分爲二派北流合永濟渠注乾寧軍入海東流合馬頰河至無棣入海凡歷一百四十六

年。

四徙 金章宗明昌五年。甲寅。卽西曆一千一百九十四年。河決陽武故堤。灌封邱。東注梁山。灤。分爲二派。一由北清河入海。一由南清河入淮。凡三百年。

五徙 元世祖至元中。河徙出陽武縣南新鄉之流。絕。二十六年。會通河成。北流漸微。及明孝宗弘治七年。甲寅。卽西曆一千四百九十四年。築斷黃陵岡。北派支渠。遂以一淮受全河之水。卽今之淤黃河。凡歷三百六十一年。

六徙 清文宗咸豐五年。乙卯。卽西曆一千八百五十五年。河決蘭儀銅瓦廂。奪大清河至利津入海。乃爲今河道。

按自帝堯八十載。癸亥。下迄清文宗咸豐五年。乙卯。計四千一百三十三年。河大徙凡六次。而小徙不計焉。自清咸豐五年。至中華民國十五年。又已七十一

年。河水淤墊。日漸增高。不惟大清河之河身。全被淤墊。觀利津縣城頂與大堤同高。齊東縣舊城。已陷入河底。滄桑陸沈。莫知所極。將來如何變遷。正難臆計也。

